

საქალაქო ტელეგრაფი  
საქართველოს საბჭოთა  
საზღვრო ტელეგრაფი

ნაწილი



ნახ. ა. კანდელაკისა

### სწორი პასუხი

- კაცო, აქლახანს ძლივს დავამოაღრეთ და ისევ რემონტი დაიწყეთ?
- რსა იზამ? ჩვენს დირექტორს სახლში ერთი თაზი დარჩენია გასარემონტებელი!





ომის შემდგომი კრიზისის გამწვავება აიძულებს ინგლისის მმართველ წრეებს იქნათ ამერიკის კაპიტალისტებისა და შინაური ფაშისტური ელემენტების გავლენის შუა.

განთქმულია ქვეყნად მოლა მასრადინა,  
მისმა ოინებმა ვინლა არ აცინა?  
სიტყვამოსწრებული და წინდახედული  
კაცი იყო თურმე, საქმეს ჩახედული  
და ცდილობდა ისე დაეხარჯა აზრი,  
რომ ის გამხდარიყო „საქონელი ბაზრის“.  
და, რაღათქმა უნდა, რასაც აკეთებდა,  
გაზომ-გამოზომდა და ისე იწყებდა.  
ჰოდა ერთხელ თურმე ჩაუფიქრდა მოლა,  
რომ საზარალოა ერთი ცოლის ყოლა:  
— ეს ჩემი ხანუმა,—თავისთვის სთქვა უცბად,  
როგორც თვიონ ვხედავ—უკვე მომიხუცდა,  
თანაც ვატყობ ჩემზე—აიყარა გული:  
მე რომ ვმღერი—იგი ზის დაღონებული.  
აღლახს ვფიცავ, სჯობს რომ აღარ დავახანო  
და მეორე ცოლი სახლში მოვიყვანო,—  
სიტყვა საქმედ იქცა და მოლამ სულ მალე  
მიიყვანა სახლში ახალგაზრდა ქალი.  
სიამტკბილით შეხვდნენ—ცოლები ერთმანეთს,  
მაგრამ ხასიათით იყვნენ სხვადასხვანი:  
ძველ ცოლს ჰსურდა—ქმარი მოხუცი ჰყოლოდა  
და თმა-ულვაშ-წვერი სულ თეთრი ჰქონოდა  
ახალს კი სურდა, რომ მასრადინას თმები—  
შავი ყოფილიყო—როგორც ყორნის ფრთები.  
ეს სურვილი ორთავ განუცხადეს ქმარსა,  
და ქალურ სიკერპით აუხირდნენ თარსად:  
— არა მე მიყვარხარ,—აცხადებდა ერთი—  
უარ არ მიუხ-ე ა, არ გაგიწყრეს ღმერთი  
და როდესაც ნოხზე დავჯდე—საცოდავი,  
მომიჯექ და მუხლზე დამიდევით თავი.  
გიაღერსებ თმებზე—გული სხვას არ ეძებს—  
მხოლოდ ამოგწიწკნი მაგ თმებში შავ ბეწვებს.  
— „ბაშუსტა“-ო უთხრა მოლამ—მოხუც ცოლსა,—

როგორ გაწყენინებ სიჭაბუკის ტოლსა?  
— არაფრის გულისათვის!—უთხრა ახალგაზრდამ,—  
ჩემს კალთაზე დასდე თავი—შენმა გაზრდამ!  
მსურს რომ თეთრი თმები მოგიცილო თავსო  
და ამით ნამდვილად ჰაბუკს დაგამსგავსო!  
— „შენც ბაშუსტა!,—უთხრა მოლამ ახალგაზრდას!...  
წყვილად დასხა... თავი წყვილ კალთაზე დასდო,  
და ცოლების „აღერს“ მიანება იგი,  
მიესივნენ მოლას ცოლები რიგ-რივით  
და ბუწუწებს გლეჯდნენ სამარგელის მაგავსად  
ახალგაზრდა თეთრს წიწკნიდა მოხუცი კი-შავსა!  
და იმდენი „უაღერსეს“, იმდენი დაუთმო,  
რომ „საყვარელ“ ცოლთა ხელში დარჩა მოლა უთმოდ!  
ძველი არის ეს თქმულება—  
ანგდოტად თქმული  
და ჩვენამდე მოსულია,  
რომ ვიცინოთ გულით,  
მაგრამ მარტო გაცინებას  
შეუძლიან განა,  
სერ ჯონ-ბულის ლაფში ჩაუღულ  
ურმის ამოყვანა?  
არა... და მან გადასწყვიტა—  
საქმე რომ არ წახდეს,  
საჭიროა მასრადინას  
მიმბაძველი გახდეს.  
და ორმაგი ცბიერების  
კალთაზე სდებს თავსა,  
რომ ბუწუწი აგლეჯინოს  
იმ ძველ მოლას მსგავსად.  
„ბაშუსტა“... დე იხეიროს!  
მაგრამ მოლასავით,  
აღბათ ვნახავთ—ლაპლაპებდეს—  
მის მელოტი თავი.

ზარსადანი

ამერიკული ცახსრეაქი

ნ. ა. კანდელაკისა



...გინდა ცხონდე?

მექსიკის დელეგატმა ტორეს ბოდემ გენერალურ ანსამბლეს პლენარულ სხდომაზე სასტიკად გაილაშქრა საბჭოს მუდმივი წევრების ერთხმიუობის პრინციპის წინააღმდეგ

გაზეთებიდან

მექსიკელ ტორეს ბოდე, რა წამოგცდა, რა იბოდე? გულს რომ უგებ რეაქციას, საიქიოს გინდა ცხონდე?

ღარ ბნელა, ტორეს ბოდე, ჩანგალს უკვე ვერვის მოდებ. რეაქციის დაკრულ ტაშზე რომ თამაშობ, გინდა ცხონდე?

ხალხს აღარ სურს რომ ომობდეს, ვერ მოგართვის ტორეს ბოდე! და ეგ შენი შავი ზრახვა შეინახე, შენთვის გქონდეს.

მ. კალგოსანიძე

ამერიკელი კაპიტალისტი: ხომ ჰხედავს მთელი ქვეყნიერება. როგორ გულმოდგინედ ვცდილობ ომის ცეცხლის ჩაქრობას.





დარტმუთადის საკონცენტრაციო ბანაკში (ოკუპაციის ამერიკული ზონა) მოთავსებული გერმანელი ფაშისტები ცხოვრობენ, როგორც სანატორიუმის დამსვენებლები.

(იგავი)

იყო ერთი გლეხი კაცი მდიდარი და მეტად ავი, დღენიადაც წუწუნებდა: მქისე ვარო, საცოდავი!

მის მეზობელს ღარიბ თედოს, უმწიკვლოს და უბოროტოს, მუდამ ჰქონდა ლუკმა პური,— არ იღებდა არავის ცოდოს.

იმ მდიდარმა ერთხელ ზეცას შეჰლაღადა, უთხრა ასე: — ღმერთო, ღმერთო, ერთხელ მაინც ჩემი თხოვნა დააფასე.—

ბეგრს არას გთხოვ, ხარი მინდა! თუ მიბოძებ ერთ წყვილ ხარსა,— მაშინ ბოლო მოეღება ჩემს გოდებას ათასგვარსა.

ღმერთმა უთხრა: „მოგცემ ერთ წყვილს, დაიხსომე ეს კი მტკიცედ, რომ შენს გვერდით, ღარიბ თედოს, ორი წყვილი უნდა მივცე.“

შემდეგშია მე შენს თხოვნებს შევასრულებ სულ იოლად, ოღონდ თედოს, რასაც შენ მთხოვ,— უნდა მივცე—ერთი—ორად!“

მაშინ გლეხმა, იმ ბოროტმა. ღმერთს შეჰკადრა სიტყვა მწარე: — თუ ასეა, გთხოვ უფალო, ერთი თვალი ამომთხარე!

ფირუზა

გაზეთებიდან

ნან. ა. კანდელაკისა



— შეამჩნიეთ რა ნადვლიანად გამოიყურებოდა ჰერ კეპკე? — რას ნადვლობს? — მას გამოუცხადეს, რომ ხვალიდან ანთავისუფლებენ კონც-ბანაკიდან.

### მისაღობი გამოცდები

ჩვენი ახალგაზრდობა უმაღლესი განათლებისაკენ ისწრაფვის და ბუნებრივია, რომ თბილისის უმაღლეს სასწავლებლებში ყოველთვის დიდი კონკურსია. რამდენიმე წლის წინ მეც საკონკურსო გამოცდების ჩაბარების შემდეგ მიმიღეს უმაღლეს სასწავლებელში, ახლაც მდებარებას იწვევს ჩემში მისაღობი გამოცდების მოგონება. საგულისხმო ისაა, რომ უმაღლესში მიღების ეს ციებ-ციხელება ყოველწლიურად მეორდება ჩემი უშუალო მონაწილეობით. ამ ზაფხულს ერთმა ჩემმა სოფელმა მეზობელმა ჩამოიყვანა თავისი ქალ-ვაჟი. თანაც ერთი კილოგრამი ჩაი და ერთი ბოთლი სანთლის არაყი მომიტანა ძღვნად. — გამოცდებისათვის მოემზადნენ? — შევეკითხე მოულოდნელ სტუმარს. — გოგო საუკეთესოდ სწავლობდა, მაგის იმედი მაქვს გამოცდებს ჩაბარებს, ბიჭი კი — ცოტა ვერ უნდა იყოს მთლად მაგრად, რადგან ალგებრაში, ტრიგონომეტრიაში, ქართულში, რუსულში და კიდევ რამოდენიმე სხვა საგანში ჰქონდა კოჭლად საქმე. — რომელი ფაკულტეტზე გინდა შეიყვანო შეიღობი, ბიჭო ებიფანე? — ეთერს სამედიცინო ინსტიტუტში სურს შევიდეს ვანოს — იურიდიულზე — პროკოროს უნდა გამოვიდეს ვიცი, ცოტა ძნელი კი უნდა იყოს სამედიცინოზე და მგონი იურიდიულზეც მიღება, მაგრამ შენისთანა კაცი ერთს რომ დაურეკავს — გათავდა, მიიღებენ! შენთვის ჩამიბარებია ავი ყაზილარები, შენ იცი და მაგათ. — ბინაზე არ შეშინდე — განაგრძო ებიფანემ — ამ გამოცდების დროს, თუ არა მერე ოთახს ვუშვავი, — ან

საერთო საცხოვრებელში მოვაწყობ, შენ არ შეგაწუნებ. ბევრი ვეცადე სხვა დარგი აერჩიათ, მაგრამ არ იქნა და არა, ექიმობას და ვექილობას არ მოეშვენ. წარმოიდგინეთ ჩემი გაჭირვება — სამი სულის შენახვა დაახლოებით ერთი თვის განმავლობაში. მძიმე განსაცდელში ჩავვარდი. მეორე თუ მესამე დღეს ბიძაშვილი მოვიდა, ქალიშვილი ამზადებდა სამედიცინო ინსტიტუტში შესაყვანად. მამიდაშვილიც თავისი ვაჟის სამედიცინოზე მოწყობას ცდილობდა. ცოლის მეზობლის აღზრდილი მზარეულის შვილი ფარმაცევტიულ ტექნიკუმში აპირებდა შესვლას, მეზობლებს შვილები — საინჟინროზე და საფერ-შლოზე, ჩემი პარიკმახერის შვილი — კბილის სატექნიკოზე. ერთერთ შორეული ნაცნობს შვილი ისტორიულზე სურდა შეეყვანა. ბორჯომიდან ჩამოსულმა სატექნო ფაკულტეტი აირჩია, ბათუმიდან ჩამოსულმა გოგონამ — სათეატრო ინსტიტუტი და... ჩემს მაგიდაზე დაგროვდა ერთ ფუთამდე დოკუმენტები. დიდის ვივაგლახით შევიტინე ყველა ეს დოკუმენტი სათანადო სასწავლებლებში. „ვივაგლახით“ ვამბობ იმიტომ, რომ ზოგიერთ ინსტიტუტებსა და ტექნიკუმებში განცხადების მიღებას ჩარიცხვაზე უფრო ძნელი პროცედურა დასჭირდა. დაიწყო გამოცდები. ყოველ დღე რამდენიმე კარგ ნიშანს და რამდენიმე ორიანს ღებულობდნენ ჩემდამი რწმუნებული აბიტურიენტები. მე მათზე მეტად ვღელავდი. ზოგჯერ ვერ ვარკვევდი: მე ვაბარებდი გამოცდებს თუ ისინი.


რამდენჯერმე აბიტურიენტების მშობლებს ერთ-მანეთში წალაპარაკებაც კი მოუვიდათ იმ მოტივით, რომ მე ერთ მათგანს ალბათ მეტ ყურადღებას ვაქცევ და აბიტომ მიიღო მისმა შვილმა კარგი ნიშანი, ხოლო მეორეს — ყურადღება არ მივაქციე და იმიტომ ჩაიჭრა. სამართლზე გითხრა, ჩემი მოვალეობა მხოლოდ განცხადებების შეტანით ამოვსურე. სახლში რომ ვერ მნახავდნენ, წერილებს სტოვებდნენ. ასე, რომ თითქმის ყველა სასწავლებელში წარმოებული გამოცდების კურსში ვიყავი. ერთერთი დედა თავის მოკვლით იმუქრებოდა თუ მის შვილს ინსტიტუტში არ ჩავარიცხვინებდი და, რაც მთავარია, ამ მკვლელობის მიზეზად მე მასახელებდა. დამთავრდა გამოცდები. ჩემი აბიტურიენტების ნაწილი ინსტიტუტში ვერ მოხვდა. სამიოდე ბიძაშვილი-მამიდაშვილმა, თავიანთი სიტყვით, სამუდამოდ დამკარგეს. ოთხამდე მეზობელი დამემღურა და თანაც შემპირდნენ ჩემს ყველა ნაცნობს ეტყვიან ჩემი ასეთი უსულგულო დამოკიდებულების და დაუნმარებლობის შესახებ. გამიჩნდა ახალი საგონებელი და ვერ გავარკვიე რა დანაშაული მიმიძღვოდა? მტკიცედ გადავწყვიტე, მომავალ წლამდე თუ მივაღწიე, ჩემი შევულებოდა აუცილებლად მისაღებ გამოცდების პერიოდისათვის ავილო და სადმე შორს წავიდი, რომ აბიტურიენტების მშობლებმა ვერ მომაგონონ. სხვა გამოსავალი არაა. ყოველ წელიწადს ამდენი ვაი-ვაგლახის გადატანა აღარ შემიძლიან.

მისი









ფოტორეპორტიორი ეძებდა ყველაზე კრიტიკულ მომენტს, რომ აფსკზე გადაეღო თბილისის „დინამოს“ ოსტატ ფეხბურთელთა თამაში კიევის დინამოელებთან.



და აი, მიაგნო კიდეც ყველაზე „კრიტიკულ“ მომენტს.

ფოტოს ადგილობრივი მრეწველობის კომბინატის საბაგეჯო-სახეობის ქარხანა გეგმას ვერ ასრულებს. ამ გარემოებამ საგონებელში ჩაგდო ქარხნის დირექტორი კუხალეიშვილი. რა ქნას? სად ეძიოს მიზეზები? სამი ლამისა და დღის განმავლობაში თვალი არ მოუხუჭია. გეგმის შესრულების სურვილით ანთებული მისი ტვინი ეძებდა მიზეზებს. ძილი რომ მოერია, სახეზე ცივ წყალს ისხამდა. ბოლოს, სძლია უძილობამ და სამი დღისა და ღამის განმავლობაში ეძინა. ტკბილი სიზმარი ნახა: ქარხნის ყოველ დაზვასთან უზარმაზარი ახალი ბოლო-კი ამოსულიყო.

— მე ვარ ასი პროცენტი!—ამბობდა ერთი ბოლოკი.

— მე ვარ ორასი!—ეხმიანებოდა მეორე.

— მე ვარ სამასი!—გაჰყვიროდა მესამე.

ხოლო მეოთხე, ტანწერწეტა და ოდნავ ფერმკრთალი, აქეთ-იქით ირხეოდა და მინაზებულ ხმით მღეროდა:

„რა ტკბილი ხარ ოცნებაო!“

კუხალეიშვილს რომ გამოეღვიძა, თვალი მიმოავლო ოთახს, პირი გააღო. არც ბოლოკი ჩანდა, არც სიმღერა ისმოდა. თვალეები მოიფშვნიტა, ტანთ ჩაიცვა და ქარხნისაკენ გასწია.

„მაინც რა არის ჩამორჩენის მიზეზი?“—გზაზე ეკითხებოდა საკუთარ თავს.

კანტორაში კუხალეიშვილს მიესალმენ: ქარხნის ბუხვალტერი, მონაგარიშე, ტექნიკური დირექტორი, ეკონომისტი, საწყობის გამგე, მექანიკოსი, სამი დარაჯი და ორი დამლაგებელი; ე. ი. სულ თერთმეტი კაცი.

კუხალეიშვილი ახლა ქარხანას ესტუმრა, ცხრა მუშა ებეგრა, შუბლი შეჰკრა.

„გეგმა რომ შესრულდეს, საჭიროა ორ ადმინისტრატორზე ერთი მუშა მოდიოდეს. აქ კი ერთ ადმინისტრატორზე ერთი მუშა მოდის. ამიტომაც გეგმა ვერ სრულდება. საჭიროა ადმინისტრაციული პერსონალის გადიდება“,—გაიფიქრა მან.

კანტორაში ბუხვალტერს ხელფასის უწყისები მოსთხოვა. უცებ ბედნიერების რამ შუქი დაადგა სახეზე. ერთმანეთს ადარებდა მუშებისა და მოსამსახურეთა ხელფასის უწყისებს. მაისის თვეში მუშების ხელფასს დასჭირდა 5243 მანეთი, ხოლო ადმინისტრაციულ პერსონალისას—8521 მანეთი.

„როცა ადმინისტრაციულ პერსონალზე დაინარჯება ორჯერ 5243 მანეთი, გეგმა შესრულდება. საჭიროა გადიდდეს ადმინისტრაციული პერსონალი,—მტკიცედ გადასწყვიტა კუხალეიშვილმა.

ვუსურვოთ წარმატება... გეგმების შესრულებაში.

ახლოვანი

## ყ უ რ მ ო კ რ უ დ ი დ ა ნ

### ზოგინათი ღელა

- კაცო, შენ რადიოში ვილაცა გყავს ნაცნობი.
- რა გინდა მერე.
- მე რომ მობრალე ყოველგვარ უკუღმართობას, შენ ის რად არ გიკვირს რადიო რომ უკუღმართად მუშაობს. იაენანას უკრავენ დილაობით. უთხარი ერთი, თუ კაცი ხარ, საღამოობით დაუკრან, იქნება როგორმე ბავშვი დავაძინო ხოლმე.

— კონსერვატორია ტყუილად დამთავრე? ერთი ამ სულელს, ამ უჭკუოს ამ უფიცს დამიხედეთ... შე მართლა სოფელში გაზრდილო, კონსერვატორიაში იაენანას ასწავლიან?!

### ტრატება

- იცოცხლე ბაღლინჯოებს ვუტირე ყოფა!
- როგორ, გაქლიტე?
- არა, მთელი ზაფხული აივანზე მძინავს.

- ზამთარში რაღას აპირებ?
- ნუ გეშინია, არც მაშინ დავაყრი ხეირს. შეშას რომ არ ვიყიდი, ცივ ოთახში რას დამაკლებენ?

### შესწორება

- ჩემი გამლახავი ჯერ კაცი არ დაბადებულა.
- ცოლმა რომ მიგბეგვა გუშინ?
- შე კაცო, ის ქალია, კაცი ხომ არაა.

### პატიოსანი კაცი

— ერთი ამას დამიხედეთ! ეს ვინაა, საიდანაა? პური სწორად აეუწონე და სასწორს არც კი უტკერის. მე იმას რა ვუთხრა, ვინც ამისთანა ხალხს პატიოსანს და ხათრიანს ეძახის. სულ ამათი ბრალია წონაში რომ ვიპარავ, თორმე მე ვანა მაგისთანებს ვიკადრებ! შე ოხერო, ერთხელ პური სწორად ამიწონია და შეხედე რალა სასწორს—არ უნდა დამიფასო?


კაკო კაკუნაური



# ფუნქციონირის კარუსელთან

ფუნქციონირზე მოწყობილ კარუსელს პარკის ადმინისტრაცია სუსტ მომსახურებას უწევს. ხშირად ბავშვებს და მათ მშობლებს უხდებათ კარუსელის ტრიალი.

ნაზ. შ. ბერიტაშვილისა



— რად დაგესხა წთავბრუ! — კარუსელმა გატრიალა?  
— არა, კარუსელი გატრიალდა!

## დასახელები დახეობა

(ჩვეულებრივი ამბავი ჩვეულებრივი  
სინამდვილიდან)

ამას წინათ მეზობელის  
ბავშვი გახდა უცებ ავად  
და სასწრაფო დახმარება  
მოვიწვიეთ სანახავად.

დაფურკეთ: — ალლო, გესმით?  
მუხის ქუჩა ნომერ რვაში,  
დახმარება გვინდა თქვენი,  
ცუდათ არის ერთი ბავშვი.

და ყურმილში ეს მოგვესმა:  
— სახელი და გვარი მისი,  
ის დედამას რა ჰქვიათ,  
შნომ არ არის ბავშვი სხვისი?!

გვიპასუხეთ: სახლს ნომერი  
როგორი აქვს: კენტი, წველი?  
წლოვანობა, ეროვნება,  
ვაჟია თუ ქალიშვილი?!

სახლი კერძო პირისაა,  
თუ ეკუთვნის მმართველობას,  
ან ეგ ბავშვი ახლა ავად  
რამ გახდა ამ რთველობას?!

რაო? კარგი... უმჯობესად  
სანიტ-ავტოს დაგვრავთ მალე,  
რაც დაგვაკლდა ანკეტისთვის  
მანდ შევავსებთ გენაცვალე...

მაგრამ იმათ მოლოდინში  
კარგა ხანმა გაიარა,  
ველოდებით არ სჩანს ავტო,  
„სხვა მოდის და, ის კი — არა;

ვამ თუ გზაში გაუფუჭდათ,  
სუსტია და ვერ იარა“.  
იმათ ცდაში... ავადყოფმა  
უკვე ფეხზე გაიარა...

კ. გელათელი

# ყვადას თავისი ნატი აქვს

ნაზ. გ. შირცხალავასი

ქრისტეწი  
გიგლირთქა



— ეს კახეთის მატარებელია შვილო?  
— არა დედი, კახეთის მატარებელზე ასეთ ზედახორას რა  
უნდა — ეს დიზელია.

## გარკთაბი ნიანგო

პატივცემულა ნიანგო!  
გთხოვთ დაგვეხმაროთ ერთი სადავო საკითხის გადაწყვეტაში.  
აქამდე ფუტკარს ჩვენ ვთვლიდით მწერად და ამაში ეჭვი არავის ეპარებოდა. მაგრამ  
ამ უკანასკნელ დროს ზოგიერთი ამხანაგი გვედავება — ფუტკარი მწერი კი არა, ცხოველია.  
შეიძლება თქვენც უცნაურად მოგეჩვენოთ ეს შეხედულება, მაგრამ აღნიშნული ამხანა-  
გები თავიანთი აზრის დასამტკიცებლად იყენებენ მეტად სერიოზულ ნივთიერ საბუთს — რაიონ-  
ულ გაზეთ „ქარლის კოლმეურნეს“. საქმე ის არის, რომ აღნიშნულ გაზეთში მიმდინარე  
წლის 5 ივნისს დაიბეჭდა წერილი — „გებობლოთ ფუტკრის სიღამბლეს“. წერილში გარკვეუ-  
ლად ნათქვამია „ფუტკარი ისეთივე არსებაა, როგორც სხვა ცხოველი“.  
წერილის სისწორეში შეიძლება დაეჭვებულიყო კაცი, რომ მისი ავტორი აგრონომი არ  
იყოს. მოდი და ნუ დაუჯერებთ ისეთ კაცს, რომელიც ამ დარგის სპეციალისტია.  
პატივცემულა ნიანგო! ჩვენ მხოლოდ ის გვინტერესებს, რაც შეიძლება სასწრაფოდ  
გადაწყდეს ეს სადავო საკითხი, რადგან, თუ კი დადასტურდება, რომ ფუტკარი ცხოველია,  
მაშინ საჭირო იქნება რაიონულმა გაზეთმა იმის შესახებაც დაბეჭდოს აგრონომის წერილი,  
თუ რამდენი თივა უნდა მოამზადონ კოლმეურნეობებმა ზამთარში ფუტკრის გამოსაკვებად.

ნ. ნუკრიძე

## ქაო. ნიანგო


ყვარლის რაიონში არსებობს სოფელი შაქრიანი. ეს სოფელი, მართალია, ნამდვილად  
შაქრიანი არ არის, მაგრამ სტუმრები უხვად მობრძანდებოდნენ და კახური მასპინძლობის  
მოწმენი გახლდნენ. ამჟამად აღარავინ გვეკარება, რადგან სოფლის გზები ისეა მიწვრთვულ-მონ-  
გრეული ზედ ჯამბახსაც გაუჭირდება გავლა. სოფლის შუაგულზე წყალმა გაიკვალა, სოფელთან  
მისასვლელი ბოგირი დანგრეულია და ჩვენი ტრანსპორტი ლამის არის სულ მოწყდეს რაი-  
ონს. თვითმფრინავით მაინც დაგვათვალთვრეთ, ძმაო ნიანგო, რომ ზოგიერთ შაქრიანელ „მას-  
პინძელს“ კული აუწყათ.

შაქრიანელი



გა ექიმი დასწავლეს

„ჭაიდპარკში გამართულ მასობრივ პეტეზე ისკვისის კომპარტიის გენერალურმა მდივანმა ჰარი პოლიტმა აღნიშნა, რომ ბრიტანეთის ახლანდელი მთავრობა ცდილობს მალამოთი და სახვევებით მოაშუშოს ინგლისის ჭრილობები, ნაცვლად იმისა, რომ მკაცრი ჭირჭირიანი თერაპია გააკეთოს.“



ნახ. ღონისა



ლოში — ძალიან დამიძველდა ეს სახვევები, ექიმო, იქნება ადამიანური წამალი რამ გამომიძებნო!

სარედაქციო კოლეგია: ი. გრიშაშვილი, კარლო კალაძე, შიპა ჯაფარიძე, ს. ფაშალიშვილი, გრ. აბაშიძე (პ/შგ, რედაქტორი).

თბილისი. სატირიკო-იუმორისტისკი ჟურნალი „ნიანგი“. რედაქციის მისამართი: ღენინის ქ. № 28. ტელ. 3-10-49

ხელმოწ. დას. 1947 წ. 27/IX. ლ. პ. ზერიაშვილის სახ. პოლიგრაფიკომბინატი „კომუნისტი“, ღენინის ქ. № 28. გამოც. № 96 შვკ. № 1247. ტირ. 7500 უფ 10468.